

堅

瓠

集

堅瓠集卷之三目錄

呂仲實詩

題紙剪

水雲鄉

藕隱花藏

澹山狐

獼猴世情

誓儉草

姚學士

會稽女子

鄭元和行乞圖

白仁甫詞

鑼鼓詩

釐下曲

謚文正

代少年書

同齋齋

陽明前身

郭清狂

卓善侍者

宸康婁妃

敖東谷

甘矮梅

詩贈盜

盜竊書

黃金對聯

倭房公

晚達

辛未狀元謚

題何吉陽軸

曾偶然

蝗蟲感德

劉寵窮

米蟲

常州守謠

聶豹鄭洛書

侶鍾強珍

陸陳謔語

毛邊的對

沈陳姓對

分茶

十七字詩

改蘇詩

黃雪毬

楊復詩

販塩

量田

錢崔灘

縮脚詩

成語賦詠

父名

楊夫人詩

隱天干地支

卯娘

墜馬

唐安寺樓

南內宮人

錯寫琵琶

五色詩

五色賦

堅瓠集卷之三

長洲後進好事儒者褚稼軒輯

呂仲實詩

輟耕錄載元中書左丞呂仲實恩誠未遇
時晨炊不繼將携布袍貿米於人室氏有
難色因作詩云典却青衫供早厨老妻何
必更躊躇瓶中有醋堪澆菜囊底無錢莫
買魚不敢妄爲此子事只因曾讀數行書

嚴霜烈日皆經過次第春風到草廬後果
登第水東日記又載仲實寄內詩云自從
上馬苦思卿一箇窮家兩手擎少米無柴
休懊惱大男小女好看承恩深夫婦情何
極道合君臣義更明早晚太平歸計遂連
盃共飲話離情真切語不減元白

題紙鳶

宋侯元功蒙少游塲屋年三十一始得鄉

貢人以其年長忽不加敬輕薄者畫其形
於紙剪上引線放之元功見而大笑作臨
江仙詞曰未遇行藏誰肯信如今方表名
踪無端良匠畫形容當風輕借力一舉入
高空才得吹噓身漸穩只疑遠赴蟾宮
餘時候夕陽紅幾人平地上看我碧霄中
後一舉登第徽宗時爲宰執謚文穆

木雲鄉

獅山掌錄云宋有人江行得董女二人自
稱兄妹兄解捕魚妹專繡刺居歲餘欲犯
之輒辭年幼一日女子題詩襦間云覓得
如花女朝朝依繡床百花渾不愛只是繡
鴛鴦其兄曰依人爲難不如且去復題詩
於壁曰終日繡鴛鴦懶把蛾眉掃且歸水
雲鄉百年可偕老因化爲雙鴛飛去

藕隱花藏

張確遊白蘋洲見二碧衣女子攜手吟云
碧水色堪染白蓮香正濃分飛俱有恨此
別幾時逢藕隱玲瓏玉花藏縹緲容何當
假雙翼聲影暫相從確逐之化爲翡翠飛
去

澹山狐

永州澹山巖巖有馴狐凡貴客至則鳴獬
志完浩將至而狐輒鳴寺僧出迎志完怪

之僧以狐鳴對志完作詩曰我入幽岩亦
偶然初無消息與人傳馴狐戲學仙伽客
一夜長鳴報老禪

獼猴世情

程伯淳顯遊山僧云晏元獻南來獼猴滿
野伯淳戲題一絕云聞說獼猴最世情相
車來更滿山迎鞭羸到此何曾見始覺毛
虫亦世情今之世情遍地皆毛虫矣

誓儉草

元世祖思太祖創業艱難取所居之地青
草一株置於大內丹墀之前名曰誓儉草
蓋使子孫知勤儉之節至正間大司農達
不花公作宮詞其一云墨河萬里金沙漠
世祀深思創業難却望闕干護青草丹墀
留與子孫看

姚學士

元學士姚燧字希聲致政家居年八十餘
夏日沐浴侍婢在側因私焉婢前拜曰主
公年老賤妾倘有娠家人必見疑願賜識
驗學士捉其圍肚題詩曰八十年來遇此
春此春遇後更無春縱然不得扶持力也
作墳前拜掃人學士卒後此婢果生子家
人疑其外通婢出詩遂解聞雲間陸平泉
事亦類此

會稽女子

崇禎癸酉新嘉驛壁有會稽女子題詩并
序云予生長會稽幼工書史年方及笄嫁
與燕客具林下之風致事負腹之將軍加
以河東獅子日吼數聲今早薄言往愬逢
彼之怒鞭筆亂下辱等奴婢氣填胸臆幾
不能起嗟乎紅顏薄命死何足惜但恐湮
沒無聞直與草木同腐故忍死須臾以淚

和墨題詩于壁倘輒軒君子過此讀之悲
予生之不辰則余死且不朽矣詩云杏紅
衫子半蒙塵一盞殘燈伴此身恰似梨花
經雨後可憐零落不成春終日如同虎
豹遊含情默坐恨悠悠老天生妾非無意
留與風流作話頭萬種憂愁訴與誰對
人強笑背人悲此詩莫作尋常看一句詩
成千淚垂馮猶龍和詩云千秋紅粉盡成

塵詩句猶留夢裏身恰似太真香穠在行
人指點馬嵬春○已嫁從夫怨阿誰換花
換馬亦何悲忍將無限閨中苦博取詩名
壁土垂

鄭元和行乞圖

元趙仲穆雍文敏公之子善書畫曾見其
所畫鄭元和行乞圖首戴方巾而以破絹
裹其外右手執簡板左持一籃一罐碎於

地雖衣衫藍縷而人物風姿正自飄逸不羣上有詩云鄭子曾誇蓋世才風塵一墮甚張垂歌殘世上蓮花落誤却天邊桂子開霜雪有情飄瓦錐雨雲無夢到陽臺試看身上千千結盡是恩情博得來

白仁甫詞

元白仁甫勸酒寄生草詞云長醉後方何礙不醉時有甚思糟醺兩箇功名字醅吟

千古興亡事，麴埋萬丈虹。霓志不達時，皆笑屈原非。但知音說盡陶潛是，又有沉醉東風漁父詞。云黃蘆岸白蘋渡口，綠楊堤紅蓼灘頭。雖無刎頸交，却有忘機友。點秋江白鷺沙鷗，傲殺人間萬戶侯，不識字烟波釣叟。

鑼鼓詩

至正間上下以墨爲政，風紀之司，賍汚佞

藉時送迎廉訪官司則用二聲鼓一聲鑼
起解強盜則用一聲鼓一聲鑼輕薄者爲
詩云解賊一金并一鼓迎官兩鼓一聲鑼
金鼓看來都一樣官人與賊不爭多又有
醉太平詞一闋云堂堂大元姦佞專權開
河變鈔禍根源惹紅巾萬千官法濫刑罰
重黎民怨人喫人鈔買鈔何曾見賊做官
官做賊浪賢愚哀哉可憐

輦下曲

廬陵張光弼是作輦下曲皆咏故元國俗
一云守內番僧日念咒御厨酒肉按時供
組鈴扇鼓諸天樂知在龍宮第幾重○似
嫌慧日破愚昏白晝尋常下釣軒男女傾
城求受戒法中秘密不能言前言胡僧亂
宮闈後言亂民間釣軒俗云釣闈僧房下
釣闈而置婦女受戒於中也

謚文正

劉瑾欲中傷楊遂庵一清李西涯力救乃
免及西涯病篤楊慰之曰國朝以來文臣
無有謚文正者如有不諱請以謚公西涯
頓首稱謝卒後得謚文正有人改宋人譏
京鏜詩以刺之云文正從來謚范王如今
文正却難當大風吹上梧桐樹自有傍人
說短長

代少年書

萬曆丁酉冬公安袁小修申道客金陵新安一少年游大學狎一妓情好甚篤遂傾囊娶之其人久失怙兄主家政甚嚴正遺書切責之必欲遣去不則不復相見且理之官少年憂懼不能措辭裁答因謂小修曰事已如此可奈何但我兄亦知讀書頗愛才若得數千言一書以感動之吾事濟

矣才思蹇澁求先生爲草數紙使此人不
出帷當效環草之報小修爲作一書淋漓
數千言雋氣可喜達之于兄後月餘晤少
年欣然曰我兄有字至云與弟未別數時
筆下便已如此既有讀書之志卽携新婦
歸余不以一眚蓋平生也欲束裝偕歸因
真酒爲小修壽令姬搯觴爲歌一曲友人
笑謂小修曰相如作長門賦得千金今子

得此人歌一曲勝相如千金多矣明晨送
之江干揮淚而別其書曰信來得領嚴教
感激慙慙不可勝言自先人歿後得吾兄
提携以有今日其雖不才沾雨露之潤借
朱藍之益亦既有年雖有童心粗知名教
若夫逐野外之鴛鴦忘堂上之鴻雁聽花
間之曲背霜滌之簾卽死不爲也但一時
迷昧忽忽如夢今事定情乖有不能頓遣

者緣斯人去年自離陽昌酒鑪卽永居竹
橋旅寓不意入室之柳葉遂成結子之桃
花懷娘已經四朔念身衣之派不蕃青箱
之望尚宥兄與弱弟皆艱嗣息設得一兒
蒸嘗有托如莫愁之產阿侯胡婢之生遙
集亦爲幸事且近日維揚間有以紅粉妖
姬孕青雲上客者兄所日鑿天下事不可
知淤泥出蓮花糞土產芝蘭此其未能頓

遣者一也斯人雖在烟花志堅松柏勉離
簪果得過阿母彼重失錢樹恨切肌骨大
罵分袂恩斷情絕設令再入故棧顏面何
容靡折何堪恐登車之日卽畢命之時昔
嚴武與妓俱亡追者繼至付之琴絃後作
祟不止我雖不殺由我而死恐倩女相逐
止有芳魂小玉不仁能爲厲鬼此其未能
頓遣者二也斯人自人門改去細蟬謝下

隨馬舞衣歌扇付之塵土縞衣綦巾晨起
操作言不出戶苦不勞身宛似良人克相
婦道且夜勤刀尺以伴膏火相勉伊吾以
致雲宵此其未能頓遣者三也邸中所藏
雖無長物尚有博山舊爐雀尾遺鼎砂翠
斑斕之器牙玉輝映之章書則小李將軍
書則海岳外史皆令之收藏司其管鑰設
爲德不終將燕鶯化爲鸛鵲愁付之祖龍

盡成灰燼則先代所遺皆爲烏有此其未
能頓遣者四也自吾兄嚴命一到斯人卽
泣曰微豸小虫亦知護子憐兒妾雖烟花
下賤幸已有身設欲逐我俟分娩之日爲
君家存此一脉然後自覓白練永赴黃壚
弟聞之亦自傷心夫卽欲處之亦須少緩
今蘭玉幾何豈稻麻也哉而弁髦之乎此
其未能頓遣者五也處此五不能頓遣之

勢則弟之宜遣而不卽遣也亦略有可原
矣至兄責弟以罪罪何遽無生平讀古人
書見夫桃根桃葉同登子敬之舟阿田阿
錢共列稼軒之帳白太傅之小蠻樊素蘇
學士之朝雲榴花集中殊不自諱誤信古
人風流台習未能頓除尤而效顰此其罪
一也歲月如流未必吾與開口而笑寧有
幾時一席多姿妄同安石之癖千金散盡

寧甘太白之貧遂使班嗣之賜書僅存陸
賈之遺金漸罄此其罪二也古人又云文
有仗景生情托物寄興麗人燃燭遠山磨
墨千古一道弟每遇枯坐文思不屬微聞
香澤倚馬萬言出鬼入神驚天動地兩儀
發耀千行中列星迸落于紙上此其罪三
也江左烟月繁華六朝金粉舊地謝家調
馬之蹊尚餘芳草王氏鼓枻之曲仍有文

波士風俗習偶而相治此其罪四也近日
文人槩多勝事如某某皆少年冶遊日爲
蕩子一旦懷蛟變化立致青雲豈留連烟
月卽屬塵土下士乎弟不肖謬有此見此
其罪五也弟又有昧死一言世間亦自英
雄豪傑能爲格外之事財色小失自當赦
除天下有事正賴命世長才曲謹小廉豈
能成當北宋與契丹爲隣大小七十餘戰

屢致敗北而能大破之者乃欲娶薛居正
子嬪之張齊賢也澶淵之役宋幾不保而
能擁駕渡河重造社稷者乃溺愛蒨桃之
寇求公也宋旣南轅金虜破竹而下而能
黃天蕩上幾制元木之死命者乃娶姣女
梁氏爲妻之韓蘄王也宋時止有此三大
偉人皆能造非常之功而亦未始無非常
之過彼恂恂謹飭如張德遠輩終身無二

堅瓠集

卷三

古

色如王安石輩何益子存亡之數第雖不才設國家有事寄之一面尚能談笑却虜樽俎破敵自信才略不後古人不能自制于口而輕作此語以示長者此其罪六也抑情忍欲事本非易故古人云不逾聲色今不幸迹之矣迹之而能不溺非聖賢不能樊通德有言夫淫于色非慧男子不至也慧則流流則通而辟生焉自古英雄不

能不率情于帷幙蘇武于齒雪吞璫之時
而猶有胡婦之娶瞿曇氏不云乎一切有
情皆因淫慾而正性命卽叅玄上士亦虞
習氣難除尚借安般數息之禪白骨流光
之觀然後暫能驅遣假使兄當盛年有多
情女子苦相流連以死自誓不出兄門兄
遽能以慧劍斬之乎弟不能如下惠坐懷
頭陀一宿而坐墮落有情之痴此其罪七

也有此七罪弟何以見吾兄哉惟兄赦其
七罪察其不能頓遣之情而解三面之網
令弟得遂私願同歸舊居絕意鉛華精心
竹素發二酉之藏竟三餘之秘見子雲之
勝反思王之冒三年之後不唾取大物爲
一家光寵者願兄擯絕之以爲蕩子之戒
皇天后土實聞斯語人行匆匆言辭無叙
幸惟原宥

阿瘡瘡

吳俗小兒遇可惡事必齊拍手叫阿瘡瘡
不知所起輟耕錄載淮人寇江南于臨陣
之際齊聲大喊阿瘡瘡以助軍威又朝野
僉載武后時南皮縣丞郭勝靜一作勝喚民
婦託以縫補而奸之夫至縛勝靜鞭之主
簿李慈往拯勝靜羞障其事者云忍痛不
得阿瘡瘡勝靜不被打阿瘡瘡則知其來

已久唐六如嘗題列仙傳云但聞白日昇
天主不見青天走下來忽然一日天破了
大家都叫阿瘡日

陽明前身

王陽明嘗遊僧寺見一室封鎖甚密欲開
視之時僧不可云中有入定僧閉門五十
年矣陽明開視之見龕中一僧儼然如生
貌酷肖己陽明曰此豈吾之前身乎既而

見壁間一詩曰五十年前王守仁開門卽
是閉門人精靈剝後還歸復始信神門不
壞身陽明悵然久之建塔以瘞而云

郭清狂

清狂道人郭竑画有天趣詩有風刺王陽
明初以尋常画史待之後見其画雪樵圖
題詩云兩束樵薪僅十錢雪深泥滑自堪
憐市城誰念青山瘦盡日厨頭不斷烟又

西牧牛歌題詩云兩脚風聲滿樹頭
隨身蓑笠勝羊裘柴門尤道牛歸晚江上
風波未泊舟陽明稱賞以賓禮優之

卓吾侍者

李卓吾侍者懷林甚穎慧病中作詩數首
表小修隨筆載其一絕云哀告太陽光且
莫急如梭我有禪未叅念佛尚不多亦可
念也

宸濠婁妃

宸濠妃婁氏性賢明善吟咏濠嘗作秋懷
詩有莫向西風問彭蠡盤渦怒欲起蛟龍
之句妃探知其意嘗泣諫之濠令妃題樵
圖乃樵回首與婦語妃題曰婦喚夫兮夫
轉聽採樵須是擔頭輕昨宵雨過蒼苔滑
莫向蒼苔險處行觸事諷諫濠知其意而
不聽發難時妃又作詩曰金雞未報五更

曉寶馬先嘶十里風欲借三杯壯行色酒
家猶在夢魂中及濠兵敗成擒如赴水死

敖東谷

敖東谷英壯歲蹴死皮工逃入寧州年久
妻議他適迎婦者已在門東谷突歸始散
或作詩云傷心鴛侶乍分行鴻斷鱗潛十
五霜歸馬不隨今夜月桃花應向別園芳
東谷念家貧難娶隱忍與居生二子正德

辛巳登進士第官留都不挈以行納妾甚
嬖焉二子不教以詩書及長但事生產作
業綠雪亭雜言中嘗病朱買臣事蓋亦有
謂而發

甘矮梅

江西甘矮梅通五經四方從學者甚衆一
日門人御史某來謁甘與語久之求退甘
曰能少留蔬食否及設飯惟菜羹麥飯而

已語之曰御史豈啖此者第老夫易辦耳
因口占一詩云葱湯麥飯卅田煖麥飯葱
湯亦可憐試向城樓高處望人家幾處未
炊烟

詩贈盜

吳中老儒沈文卿家貧以授徒爲生一夕
寒不成寐忽見穿窬至其家覓物無所得
文卿從容呼之曰穿窬君子虛勞下顧聊

以小詩奉贈口古云風寒月黑夜迢迢辜
負勞心走一遭架上古詩三四束也堪將
去教兒曹穿窬含笑而去

盜竊書

有人惜郎仁寶詩林廣記楞嚴經其家爲
盜入因犬吠而所竊無幾明日仁寶訪之
其人曰并子之書失去矣仁寶作一詩云
西廂月黑夜沉沉盜入君家犬吠紛却把

詩林經卷去始知盜賊好斯文

黃金對聯

丘南鎮岳由亞卿左遷落叅數厚遺江陵
嘗以黃金製對聯餽之云日月並明萬國
仰大明天子丘山爲岳四方頌太岳相公
是亦大諫之名欲相公時蒙記憶之意江
陵喜將驟擢之未幾敗岳遂罷歸

倭房公

萬曆中御史房寰督學南畿以賄著諸生
改阿房宮爲倭房公以譏之云沙汰畢督
學一文運厄倭房出橫行一十三府擾亂
天日科舉絕罷而歲考直抵丹陽四府溶
溶禍入宮墻起錢神樓開財星閣滿載裝
同猿吞鳥啄且逞威勢張牙露角耽耽焉
逐逐焉垂涎吐渦真有似乎精魂失落慣
起風波暴若祖龍厥腹虛空昧若河虹目

無眸子誰識西東日長沉醉酒色融融倏
焉發怒令人慘悽一日之內一人之身而
變詐不齊百金補廩鎮江李孫斗珠入泮
無錫周秦親家契友爲過財人明燭熒々
開文場也兵快擾々僞搜檢也題目着膩
防屯白也鈐印橫斜暗記號也出案俱驚
謂顛倒也熟察詳聽疇不知其所私也孔
方先容雖娼亦妍十日所視而莫揜焉有

不可聞者遺臭萬年此倭虜之行藏類市
井之經營不畏天地之精英故于隔年預
托親人渡水涉山訪生儒之富者而夤緣
其間不分玉石真才銷礫怨氣邐迤道路
聞之莫不歎息嗟乎皇上之心作養人才
之心也倭縱貪婪亦當念國家奈何取財
盡錙銖棄士如泥沙使豪傑之士一朝爲
失色之庸夫積學之儒霎時同薄命之嬖

如案首賍私多于監生之粟粒家書包舉
浮于官店之帛縷德清光棍遍于直隸之
城郭子弟受賂出于公庭之招語使旁觀
之人皆鄙賤而怨怒倭房之心方益驕固
謗海公陷徐舉日本烈炬延燒南土嗚呼
戕士類者倭房也可殺也護倭房者何人
也亦可殺也嗟夫使朝廷聽正人則足以
拒倭倭不爲督學之人則自秀才士夫以

及君誰得而被禍也科道不能明言而野史言之野史言之而遠播之是使野史而强于國史也

晚達

崔林玉露載紹興中黃公度榜探花陳敏修唱名時高宗問年幾何對曰七十有三問有幾子對曰未娶遂詔宮人施氏嫁之時人戲曰新人若問郎年紀五十年前二

十三又清暇錄謂詹義登科後解朝日讀
盡詩書五六擔老來方得一青衫新人問
我年多少五十年前二十三清波雜志謂
閩人韓南未知孰是

辛未狀元謎

隆慶辛未會試江陰袁舜臣作詩謎于燈
上云六經蘊藉胸中久一劍十年磨在手
杏花頭上一枝橫恐洩天機莫露口一點

纍纍大如斗掩却半牀何所有完名直待
掛冠歸本來面目君知否衆皆不解惟蘇
州劉城一見能識之乃辛未狀元四字城
亦是科榜眼及第

題何吉陽軸

何吉陽遷與黃某以學問友善吉陽巡撫
江西過家某青衫來謁門者不卽爲通因
散步堂上環視壁間懸軸其首則嚴分宜

筆也遂索前刺書一絕云椒山已死虹塘
謫天下誰人是介翁今日華堂誦詩草始
知公度却能容囑門者投之拂衣而去吉
陽得詩自慚亟遣追之舟去遠矣

曾偶然

泰和曾狀元崔齡永樂辛丑會試與浙江
數舉子同舟率年少狂生議論蜂出見曾
簡默因共舉書中疑義問之逕謝不知竊

笑曰夫夫也偶然預薦耳遂以曾偶然呼
之既而衆皆下第曾獨自榜乃所以詩曰
捧領鄉書謁九天偶然越得浙江船世間
固有偶然事豈意偶然又偶然

蝗蟲感德

王荊公罷相山鎮金陵時飛蝗自北而南
江東諸郡皆有之百官餞王于城外劉貢
父後至追之不及因書一絕以寄之云青

苗助役兩妨農天下嗷也怨相公惟有蝗
蟲偏感德又隨車騎過江東

劉龍廟

一錢太守劉龍廟在紹興錢清鎮王叔能
過廟下賦詩曰劉龍清名舉世傳至今遺
廟在江邊述來仕路多能者也學先生揀
大錢

米蟲

淳祐間車駕幸景靈宮太學宗學武學諸
生俱在禮部前迎駕有作十七字詩云駕
幸景靈宮諸生盡鞠躬頭烏身上白米蟲
譏其歲糜廩祿也○張士誠有養士之譽
凡不得志于時者爭趨附之美官豐祿富
貴赫然有爲北樂府譏之云皂羅襪兒緊
扎梢頭戴方簷帽穿領濶袖衫坐轎四人
轎又是張吳王米蟲兒到了

常州守謠

馬氏日抄云常州守莫愚巧于取賄而糾
察郡吏使無所得時人語曰太守摸魚六
房晒網繼愚者葉纂有廉操而律下不嚴
吏曹得行其詐時又語曰外郎作鮓太守
拽罾言勞而無獲也○近來貪吏多與六
房通氣攬事語曰六房結網知縣摸魚

聶豹鄭洛書

永豐聶豹三山鄭洛書爲華亭上海知縣
同時有俊聲然議論殊不相下一日同坐
察院門側人報上海秋試中式者豹笑
曰上海秀才下第只爲落書鄭應聲曰華
亭百姓常笑皆因業豹人咸以爲妙對

侶鍾強珍

都憲侶鍾與通政強珍同厝強執壺勸曰
要你飲四鍾侶應聲曰你莫要強斟

陸陳謔語

陸文量客叅政浙藩與陳啓東震飲見其
寡髮戲之曰陳教授數莖頭髮無計可施
啓東曰陸大人滿臉髭髯何須如此陸大
賞歎笑曰兩猿截木山中這猴子也會對
鋸啓東曰有犯幸公勿罪乃云匹馬陷身
泥內此畜生怎得出蹄相與撫掌竟曰

毛邊的對

嘉靖間御史毛汝礪伯溫公宴時承差斟
酒大溢毛曰承差亡矣乎邊廷實貢時爲
副使應聲曰副使使之也相與大笑四字
上下各異音天然的對

沈陳姓對

歸安沈筠谿少絕敏穎弱冠補博士弟子
與弟偕出時風雨暴作遇陳方伯兄弟于
邸方伯戲曰大雨沈亡二沈伸頭難出沈

卽答曰狂風陳七兩陳搖尾不開

分茶

明初某解元登第後偕伴至妓館妓知其
才名欲試之乃瀹茶止兩甌倉皇謝過卽
三之以進曰三分分茶解解解元之渴
某卽應聲曰一朝七罷行行行院之家諸
書因解字皆作解春兩事

十七字詩

正德中有無賴子好作十七字詩觸目成
詠時天旱太守祈雨未應作詩嘲之曰太
守出禱雨萬民皆喜悅昨夜推窓看見月
守知令人捕至曰汝善作十七字詩耶試
再吟之佳則釋爾卽以別號西坡命題其
人應聲曰古人號東坡今人號西坡若將
兩人較差多太守大怒責之十八其人又
吟曰作詩十七字被責二十八若上萬言

書打殺太守坐以誹謗律發配鄖陽其母
舅送之相持而泣泣止曰吾又有詩矣發
配在鄖陽見舅如見娘兩人齊下淚三行
蓋舅乃眇一目者也

改蘇詩

東坡詩云無事北窗坐一日似兩日若活
七十年便是百四十有更之者曰無事此
游戲一日似三日若活七十年便是二百

一馮猶龍反其詩曰多事此勞擾一日如
一刻便活九十九湊不上一日

黃雪毬

明無錫黃公祿善方脉而能詩嘗咏雪毬
云六花平地捲成毬不待雲斤月斧修萬
古太陰深合處一團元氣未開頭金盆忽
送來瑤島銀索難將掛綵樓只恐明朝易
消歇長江滾滾逐東流人稱爲黃雪毬

楊復詩

南京大理少卿長興楊復在京甚貧家畜
一豕日命童子立武湖搗採萍藻爲食吳
思庵時握都察院章以其密迹廳事拒之
楊戲作小詩送之云太平堤下後湖邊不
是君家祖上田數點浮萍容不得如何肚
裏好撐船

販鹽

賈似道令人販鹽百艘至臨安太學生有
詩云昨夜江頭湧碧波滿船都載相公醪
雖然要作調羹用未必調羹用許多賈聞
之遂以士人付獄

量田

理宗朝欲舉推排田畝之令廷紳有言未
行至賈似道當國卒行之時人嘲之曰三
分天下二分亡猶把山河寸寸量縱使一

丘原一畝也應不似舊封疆○成化初邢
宥爲蘇州守以郡中久荒陂蕩起稅民心
頗怨有投書刺之者曰量盡山田與水田
只留滄海共青天漁舟苦過閒洲渚爲報
沙鷗莫浪眠一作楊貢事

錢崔灘

錢崔灘福歸田後有客言江都張妓動人
崔灘急治裝訪之已歸鹽買矣崔灘往叩

賈重其才名立曰請飲崔難就酒語求見
賈出妓衣裳縞素皎若秋月復令妓出白
綾帕請留新句崔灘卽題曰淡羅衫子淡
羅裙淡掃蛾眉淡點唇可惜一身都是淡
如何嫁了賣鹽人

縮腳詩

舊有賦闕啓者云多聞疑多見殆吾猶及
史之君子于其所不知蓋四語皆出四書

俱隱闕字而末句尤佳吳江一老翁貌似
土地沈寧庵吏部亦用此體賦云入疆闢
入疆蕪諸侯之寶三狄人之所欲者吾又
吳有顧秀才名達者不學而狂同學者嘲
之云在邦必在家必小人下不成章不又
明末長庠郁遇諸背駝一士作七字吟云
郁遇諸陳良之夫尹公之吾非斯人之皆
欲出於王之孽七爲利者蹠之並堪伯仲

成語賦謔

三衢一子弟淫其里煨工之女爲工所擒
不忍殺以鐵鉗缺其左耳縱之去諸理齋
作賦謔之內一聯云君子將有爲也載寢
之牀匠人斲而小之言提其耳○會稽馬
殷幹有美姬善歌時出佐酒馬死有梁丞
得之亦侑觴時陳無損酒酣屬句謔云昔
居殷幹之家爰喪其馬今八邑丞之室無

逝我梁一座絕倒

又名

張又入太學爲齋長其人渺小動以苛禮
律諸生林叔弓作賦嘲云身材短小欠曹
交六尺之長腹內虛空乏劉叉一點之墨
又詩云中分交兩段風使十橫斜文上全
無分人前強出些

楊夫人詩祖山谷

王弼洲擊節楊夫人曰歸曰歸二語山谷
外集有一聯云美人美人隔湘水其雨其
雨怨朝陽寄初和叔詩中句也弼州極詆
宋詩乃埋名士而譽竝禕豈不令雙井失
笑然其雨怨朝陽已入步兵之詠曰歸歸
未克復徵大陸之唱美人娟如隔湘水又
少陵寄韓諫議詩是皆古人所已言者也

隱天子地支

曾見歌中隱天千十字亦有巧思戲錄于
左顛倒沒來由十事九不就兩人同出一
人休可意見難開口筭佳期成了又還勾
巴不得一點在心頭莫向平康去小求雖
幸書來無一語任人兒要丟拚一發把弓
韃罷綉弓亦戲隱地支名一日思君十二
時仔細思量人兒無賴便狃做私情也非
奴不才貧衣怎挨今夕撇奴不睬記當年

折柳料此際已成柴旣蒙辱愛怎把寸衷
丟開這卷書藏頭露尾難猜許多時候無
言耐把朱鞋拋撇嬾鋪排暢好恩情容易
敗拚一飲如泥睡醒來看星兒稀暗燈還
在想姻緣成不到這半勾兒也是命當該
不言了却相思債

卯娘

沈家姬卯娘善度曲曹秋岳落詠青玉案

贈之云花間舉樂何須忌薄曉瞳瞳初麗
啓戶逢君嬌不語三秋兔魄平分留影垂
柳東邊去 鏤成新玉剛爲字十二時中
排第四中酒嫌人知也未芳名檢點春光
已平會取相迎意詞皆寓卯字意

墜馬

孔子威墜馬曹秋岳詠浪淘沙詞以戲之
野岸石橋濱雪色初勻揚鞭一試紫駟新

記取黃沙沉戟地不是花茵持酒酌芳
辰年少腰身羅衣低拂五陵塵回首微聞
相痛惜樓上佳人

唐安寺樓

鄭殷葵寓會稽唐安寺樓見壁上題云瑯
琊王氏霞卿光啓三年陽春二月登于是
閣臨軒軫恨賄物增悲雖觀燦爛之華殊
覺淒涼之况時有輕綃捧硯小玉看題詩

日春來引步強尋游恨睹烟靄簇寺樓舉
日盡看停待景雙眉不覺自如鈎

南內宮人

明毛舜臣被命洒掃南內迴廊粉壁多有
宮人字跡留香有媚蘭仙子題云寒氣逼人
眠不得鐘聲催月下斜廊字畫婉麗風
情月思令人惘然

錯寫琵琶

有人送枇杷于沈石田誤寫琵琶石田荅
書曰承惠琵琶開奩視之聽之無聲食之
有味乃知司馬揮淚于江干明妃寫怨于
塞上皆爲一啖之需耳嗣後覓之當于楊
柳曉風梧桐夜雨之際也又屠赤水莫廷
韓過袁太冲家見帖上寫琵琶一盒相與
大笑屠曰枇杷不是這琵琶袁曰只爲當
年識字差莫曰若使琵琶能結果滿城絃

管盡開花一座絕倒○劉熙釋名云枇杷
樂器本胡琴馬上所鼓推手前曰批却手
後曰把取鼓時以爲名也六書正譌云後
人借枇杷字爲樂器別作琵琶非然使今
人寫琵琶爲批把亦必成笑話矣

五色詩

唐雍裕之有四色詩白云壺中冰始結盤
上露初圓何意瑤池雪欲奪崔毛鮮青云

道士牛已至仙家身亦來骨爲神不朽眼
向故人開赤云勞魴蓮渚內汗馬火旂間
平生血誠盡不獨左輪殷黑云已見池魚
墨誰言突不黔漆身恩未報貂裘貧豈嫌
又青云路闢天光遠春還月道臨草穰河
畔色槐結路傍陰未映君王史先標胄子
襟經明如可拾自有致雲心○裕之獨不
咏黃戲爲補之云中央推正色雍子獨無

詩菊栽陶令宅鶯滿右軍池萬畝禾全熟
千山葉欲離色絲稱麗句彌望畫茅茨一
舉子驚槐候青燈伴歲垂但須飯已熟定
見桂開花日射天門榜時宣玉殿厭書中
自有屋赭蓋引前車庚午秋闈兒姪輩復
見別書以慰之○廖凝十歲咏白詩有滿
汀鷗不散一局黑全收句惜餘句不傳

五色賦

唐寇豹謝觀同在崔裔孫門下以詞藻相
尚豹謂觀曰君白賦有何佳語對曰曉入
梁王之苑雪滿羣山夜登庾亮之樓月明
千里豹唯唯觀曰僕已擅名海內子才調
多何不作赤賦豹未搜思卽曰田單破燕
之日火燎平原武王伐紂之時血流漂杵
觀大駭服○楊升庵與友宴集偶談及此
一客效之作黑賦云孫臏斷枚之際半夜

失踪達摩面壁以來九年閉目升庵賦黑
云周庭之列畢蘇裳如蟻陣陳閣之迎張
孔鬢似鴉翎○蔣春甫賦黑云驪臙成羣
雲暗陰山之北身鴉作陣風霾柏府之旁
洗硯而墨池渾廻車而松林暮一客賦青
曰帝子之望巫陽遠山過雨王孫之別南
浦芳草連天一客賦黃曰杜甫柴門之外
雨漲春流衝青油幕之前沙含夕照一客

又賦赤云堯時十日並出鑠石流金秦宮
三月延燒照天燭地升庵謂月明千里得
白之神火血及十日並出秦宮延燒皆非
佳境或改賦赤曰孫綽賦天台景高城霞
起而建標杜牧咏江南春千里鶯啼而映
綠徐奮鵬賦黃曰靈均之歎木葉秋老洞
庭洲明之噉落英霜清彭澤一客因又賦
紫云書生拾來慢云是輕易如芥直入拖

去且看其長練若霞文賦紫云仙人度閑
之日瑞氣如烟聖主登極之時祥雲若蓋
筆洞山人賦綠云茂叔窓前點綴濂溪光
霽之景唐子階下適增陋室榮華之觀山
人又賦碧云山色可棲覺人間別有天地
之奇桃花堪種天上豈真雨露之私